

DISSERTATIO MECHANICO MEDICA  
DE  
**RESPIRATIONIS**  
**MECHANISMO ATQVE VSV**  
**GENVINO**

QVAM  
RECTORE MAGNIFICENTISSIMO  
SERENISSIMO PRINCIPE AC DOMINO  
DOMINO  
GVILIELMO HENRICO  
DVCE SAXONIAE IVLIACI CLIVIAE MONTIVM  
ANGARIAE WESTPHALIAE RELIQA

SVB PRAESIDIO  
GEORGII ERH. HAMBERGERI  
PHILOSOPHIAE ET MEDICINAE DOCTORIS  
MEDICINAE PROFESSORIS EXTRAORDINARIJ ET  
PHILOSOPHIAE PROFESSORIS PVBLICI, MEDICI  
PROVINCIALIS SAXO VINARIENSIS  
*PATRONI AC PRAECEPTORIS SVI OMNI*  
*OBSERVANTIAE CVLTV VENERANDI*

DIE XV. NOVEMBR. MDCCXXVII.  
HORIS LOCOQVE CONSVETIS

DEFENDET

IVSTINVS GERHARDVS DVISING  
HASSO-CASSELLANVS  
PHILOSOPHIAE ET MEDICINAE STUDIOSVS.

---

IENTAE LITTERIS FICKELSCHERRIANIS





RESPIRATIONS  
MECHANISM AND  
CAUSING

TO THE MEDICAL  
SOCIETY OF THE

DOMINION  
GUILLEMO HENRICO

OF THE  
SUB-TRAJECTORY  
GEOMETRY OF THE

THEORY OF THE  
PROPORTION OF THE  
THEORY OF THE



SYSTEMS OF  
THEORY OF THE

THEORY OF THE  
THEORY OF THE



V I R O  
ILLVSTRI , EXCELLENTISSIMO AC STRENVISSIMO  
D O M I N O  
**CHRISTOPHORO LVDOVICO  
MOTZIO**

COPIARVM INCLYTAE REIPVBLICAE BREMENSIS CHILIARCHO,  
AC IPSIVS VRBIS BREMAE PRAEFECTO.  
*PATRONO AC MAECENATI SVO OMNI PIETATIS CVLTV  
VENERANDO.*

NEC NON  
VIRIS AMPLISSIMIS, EXCELLENTISSIMIS, CONSVLTISSIMIS  
D O M I N O  
**CHRISTIANO HENRICO  
MOTZIO**

QVI EST  
SERENISSIMI PRINCIPIS LANDGRAVII HASSO-CASELLANI  
à STATVS SECRETIS INTIMORIBVS

ET  
D O M I N O  
**IOHANNI DIEDERICO  
MOTZIO**

SERENISSIMI ITIDEM PRINCIPIS LANDGRAVII HASSIACI  
ARCHIVARIO AVLICO  
*PATRONIS AC AVVNCVLIS SVIS PARENTVM LOCO AD  
CINERES VSQVE VENERANDIS*

VT ET  
VIRO PRAENOBILISSIMO , AMPLISSIMO , CONSVLTISSIMO  
D O M I N O  
**IUSTINO HENRICO  
MOTZIO**

ASSESSORI REGIMINIS RINTELIENSIS  
*PATRONO ET COGNATO SVO OMNI VENERATIONIS  
CVLTV PROSEQVENDO*



OMNIGENAE FELICITATIS SPLENDOREM  
VITAM LONGAEVAM  
FORTVNATAMQVE  
NVMINIS SVPREMI, QVAE OMNIA COMLPECTI-  
TVR BONA , GRATIAM  
DEVOTA MENTE  
ADPRECATVR  
ATQVE  
HANC DISSERTATIONEM ACADEMICAM  
STVDIORVMQVE PRIMITIAS  
TANQVAM  
PIETATIS CVLTVSQVE PIGNVS  
EO QVO PAR EST  
ANIMI SVBMISSO AFFECTV  
OFFERT, DEDICAT, CONSECRAT  
EIVSQUE FAVORIS,  
QVEM HVCVSQVE PROLIXISSIMVM EXPERTVS FVIT,  
FRVCTVM  
IMPOSTERVVM QVOQVE  
HVMILLIMIS PRECIBVS SIBI EXPETIT

IUSTINVS GERHARDVS DVISINGIVS











**I**n signem esse Matheseos vsum nemo quidem nisi prorsus in Mathesi hospes negabit, sed nemo quoque quam Medicus vel Physicus eiusdem Matheseos, quatenus est Mathesis, vsum melius cognoscere potest, scientiae enim vsum tunc demum rite cognoscimus, si versamur circa res vbi ista scientia adplicata est. Obiecta igitur Medici atque Physici cum sint opera Summi Numinis, corpus nempe humanum & alia corpora creata, nihil vero sit creatum quod non esset determinatum, & ob suam determinationem, non nisi determinatos ederet effectus, sane nemo melius ipsam artem determinandi quantitatem rerum, Mathesin puto, adplicare, vel vsum adplicationis cognoscere, potest, quam Medicus & Physicus, hi enim soli circa tales versantur creaturas, corpora nempe, quae ab Ente Sapientissimo sunt creata & determinata, & ex quorum determinatione summa determinandi ars cognosci potest. Quemadmodum vero Medicus atque Physicus quando cognoscit quantum Mathesis mani-



festet rerum creatarum dispositionem, insignem & ineffabilem sentit animi voluptatem ex rerum creatarum consideratione, & quolibet momento Summum Numen venerandi nouam acquirit occasionem, sic contra misera est forseorum hominum, qui, illotis manibus i. e. absque Mathesi, Summi Numinis considerant opera Mathematica, hi enim de rebus creatis determinatis nunquam adaequatam ideam habere possunt. Omnia haecce vel sola doctrina de respiratione confirmabit, quantus enim sit dissensus eruditorum, ab antiquissimis temporibus ad hanc usque aetatem, circa modum & usum respirationis, omnibus notum est, cum tamen sola adhibita Mathesi non solum extra omnem controuersiae statum ponantur, quae pro summe dubiis sunt habita, sed & usus tam partium, quam situs magnitudinis & consistentiae &c. earundem, adeo clare demonstrari potest, ut ipsa necessitas hypothetica simul pateat. His igitur de causis haud dubitauimus argumentum tale Dissertationis huius eligere, quod quidem millies coctum est, semper tamen absque decenti Matheseos sale. Non hoc nobis sumimus, ac si, quicquid de respiratione dici posset, à nobis sit dictum & determinatum, probe enim scimus errare hominum esse proprium; praeterea quoque, cum nobis iam non suppetat occasio inquirendi in structuram quarundam partium corporis humani, nec haec ab Anatomicis, nobis cognitae, talis sit tradita, qualem dignitas organi requireret, omittere debuimus quae commodè locum hic haberent, ut actionem costarum duarum ultimarum, aliaque. Maluimus vero pauca, eaque certa, tradere quam hypothesebus, aut ex animalium sectione, supplere talia, quorum contrarium forsitan experientia in homine ostenderet. Faxit S. N. ut omnia vergant in Sui nominis gloriam & proximi salutem.





Feller sculpf. Jene.







I. N. I.

§. I.

**I**Ntrare aerem per nares in statu sano in nostrum corpus, & ex eodem rursus prodire, ex admota naribus plumula vel chartula quilibet cognoscere potest.

§. II.

Introitus aeris inspiratio, exitus vero exspiratio, uterque motus respiratio, adpellatur; & absoluitur ordinarie una respiratio tempore circiter 3. minutorum secundorum.

§. III.

Cum nares sint satis magnae, & tempus inspirationis tempori exspirationis sit fere aequale, adeoque unius atque dimidii minuti secundi, (§. 2.) atque introitus aeris satis celer, (per Experientiam) notabilis quantitas eiusdem intrabit, quae in narium cavitatem subsistere haud potest; ergo cum, anatomia docente, nullum aliud foramen maius circa fauces reperiatur quam orificium Laryngis atque Pharyngis, aeris motus per nares fiet vel per pharyngem atque oesophagum in ventriculum, vel per laryngem atque asperam arteriam in pulmones.

§. IV.

In Oesophagum aer intrare nequit quia ordinarie eius parietes sunt contigui, adeoque nullus aer in cavitatem eiusdem haeret; ergo, cum, ut ex infra dicendis (§. 7.) patebit, aer liberior solo suo pondere intret, & maior quantitas pre-



mat parietes flexiles oesophagi quam eius orificium superius pharyngem, ipse aer, comprimendo oesophagum, sibi viam in ventriculum praecluderet, adeoque non intrat in ventriculum.

§. V.

Non ergo nisi per Laryngem & asperam arteriam in pulmones intrabit tempore inspirationis, & per expirationem ex iisdem prodibit. Confirmat hoc ipsa structura harum viarum, cartilagines enim asperae arteriae sunt maximam partem circulares, quae ab aere non possunt comprimi, si vel maxime omnis aer interior auferretur; hinc hae viae aeri liberrimum ingressum atque egressum concedere queunt.

§. VI.

Cognitis iam viis per quas, & loco ad quem, aer inspiratione defertur, causa huius introitus atque exitus erit quaerenda, quae vel in aere vel in nostro corpore haerere debet.

§. VII.

Aer duplici gaudet vi qua tam se ipsum quam alia corpora commouet, pondere nempe atque elatere; aut igitur, si in aere haeret causa, pondus sic alternatim intra tria minuta secunda crescere atque decrescere debet, aut elasticitas; atqui prius non fieri ostendunt barometra exquisitissima Bernulliana, Mercurius enim in iisdem interdum per plures dies quiescit, posterius vero ex manometrorum quiete, satis diu durante, cognosci potest: ergo non in aeris viribus auctis atque imminutis, sed in resistentiae, quae fit tam ponderi quam elateri aeris exterioris in nostro corpore, speciatim in pectore, incremento & decremento, quaerenda erit ratio tam inspirationis quam expirationis: necesse nempe



pe est, vt tempore inspirationis resistentia imminuatur, & sic aer proprio pondere, vel ex elatere, irruat, tempore expirationis vero aer in pulmonibus magis comprimatur, vt sic, pondus aëris exterioris superando, protrudatur.

§. VIII.

In nostro corpore non nisi duplex imminutionis atque augmenti resistentiae concipi potest causa, frigoris nempe & caloris alternatio admodum subitanea & sensibilis, itemque spatii circa pulmones vel in pulmonibus dilatatio & coarctatio: Ostendunt enim experimenta physica aeris vim elasticam augeri per calorem ita, vt maior fiat pondere ambientis, hinc aer prodeat ex vase quodam aperto in quo haeret, si parietes non cedunt; imminui vero per frigus, vnde aeris exterioris pondus, quod ante refrigerationem in aequilibrio erat cum aeris in quodam loco haerentis elasticitate, post imminutam per frigus elasticitatem, eadem maius erit, & sic aer in vas, in quo fit refrigeratio, intrabit, nisi parietes sint flexiles; hoc enim in casu parietes simul comprimuntur.

§. IX.

Non vero à tali frigoris atque caloris alternatione in nostro corpore pendere inspirationem atque expirationem partim ex eo patet, quia talem mutationem in superficie nostri corporis non percipimus id quod tamen fieri necessario deberet, quia corpora vicina, praecipue adeo mollia atque tenuia, qualia sunt parietes pectoris in infantibus, semper simul amittunt calorem, vel nouum acquirunt, quando in corporibus tangentibus imminuitur vel augetur; partim vero ex aliis phaenomenis cognoscitur, quae contraria obseruamus iis, quae ex tali frigoris atque caloris alternatione sequerentur. Cum enim paries pectoris inferior, diaphragma nempe,



nempe, sit corpus flexile, sequeretur, vt, refrigerato pectore, non solum inspiratio, sed & abdominis compressio, fieret, & diaphragma sursum pelleretur; contra vero, calore redeunte, tam diaphragma deorsum pelleretur, adeoque abdomen intumesceret, quam aer ex cauitate pulmonum abiret: (§. 8.) Experientia vero testatur, durante inspiratione abdomen intumescere, & durante expiratione detumescere; Ergo respiratio alternationem imminutionis & augmenti caloris in nostro corpore non pro causa agnoscit.

§. X.

In spatii ergo pectoris dilatatione alternante & constrictione erit causa inspirationis atque expirationis quaerenda: Dilatata enim cauitate pectoris, si aer haeret inter pleuram atque pulmones, iste, ob resistantiam imminutam, sese expandet, hinc minus fit elasticus, ergo & pulmones minori vi premit quam antea; cum vero, ante pectoris dilatationem, haec aeris interioris ex elatere fiens pulmonum compressio in aequilibrio esset cum pondere aeris exterioris prementis per nares in cauitatem pulmonum, iam haec pressio relatiue aucta erit, & pulmones expandet, vsque dum aer, inter pulmones atque pleuram haerens, ad priores rursus terminos sit compressus, hinc elasticitatem, ponderi aeris exterioris aequalem, acquisiuerit. Dari vero aerem in thoracis cauitate inter pulmonem atque pleuram haerentem, partim ex vulneribus thoracis, partim ex sectione animalium recenter mortuorum patet. Vidi enim aliquando hominem cuius pectus eultro acuto erat perforatum, & vulnus latitudinem vnus digiti habebat, illaeso pulmone, latitudo enim vulneris ostendit cultrum ad satis notabile spatium penetrasse, vnde, si immediate pulmo pleuram tangeret, necessaria pulmonis  
laesio



laesio fuisset, tametsi oblique deorsum intrusio cultri facta fuerit. Animalium vero recenter mortuorum quando pectus in altero latere aperitur, mediastinum quidem ab aere ambiente premitur in cavitatem thoracis nondum apertam, vnde patet, non omne quidem istud spatium, quod inter pulmones non expansos atque pleuram esse posset, aere esse repletum, sed distincte quoque observatur, pulmonis lobum in ista cavitatem non ubiuis pleuram contingere, vnde necessario sequitur, ut in reliquo spatio vacuo haereat aer, qui, elasticitate sua, ponderi aeris exterioris resistit, & impedit, quominus pulmo, ab aere per laryngem intrante, ad pleuram usque expandatur. Immo, cum nuper canem secarem vivum, & costarum cartilagines, non uti ordinarie fieri solet, sed proxime ad sternum, diffecarem, in omni inspiratione mediastinum per vulnus extra cartilagines prodibat, & vesicam aere repletam, satis dura enim ad tactum erat, repraesentabat, in expiratione redibat in cavitatem pectoris, ut nihil de eo appareret.

§. XI.

Videndum ergo an experientiae cum structura thoracis vel pulmonum collatae confirment, tempore inspirationis fieri dilatationem pectoris, tempore expirationis vero constrictionem eiusdem.

§. XII.

Quoad structuram pulmonum praeter iam dicta (§. 5.) sequentia sunt notanda 1.) Pulmonem esse corpus molle, spongiosum, ex infinitis lobulis compositum 2.) Quemlibet lobulum ex pluribus cellulis minoribus, inter se communicationem habentibus, esse compositum, communi tamen quadam membrana cinctum, quae aerem ex vno lobulo in alium

B

non



non transmittit. 3.) Omnes cellulas vnum lobulum componentes aerem accipere ex ramo minimo bronchiorum. 4.) Omnia bronchia esse composita in extremitatibus ex fibris tendineis elasticis, dein ex parvis cartilaginibus per membranas flexiles & contractiles iunctis, quibus in vltiori progressu membrana musculosa sese iungit, & abire vltimato in asperam arteriam 5.) ab vno latere rami bronchialis haerere arteriam pulmonalem, ex altera vero venam pulmonalem, semper vero 6.) arteriam vena esse capaciorē si in aequali à corde distantia mensurantur, contrario modo ac in reliquo corpore, vbi semper venae arteriis sunt capaciores. 7.) Haec tria vasa inclusa esse in capsula quadam cellulosa ex tunica pleurae exteriori orta, & ex hac capsula oriri probabiliter parietes cellularum. Inuentor huius capsulae est HELVETIVS (*Memoires de L'Acad. Roy: des Sciences anno 1718. p. 21. & seqq. & p. 281.*) 8.) Per parietes cellularum disseminatas esse extremitates vasorum, & mira sua flexura rete mirabile MALPIGHII componere.

### §. XIII.

Ex tota hacce structura concludere quidem licet 1.) pulmonem, ob suam cellulosam substantiam, & connexionem cum bronchiis, in se admittere posse aerem, 2.) quia ad omnes fere easque minimas pulmonum fibras immediate accedit aer, paucae vero fibrae parum quoque resistunt, posse pulmonem ab aere expandi, si resistentia, quae fit ponderi aeris exterioris circa pulmones, aufertur vel imminuitur. 3.) fibras quoque pulmonum, quia extenduntur quando aer cellulas expandit, semper, tanquam elasticas, resistere; minime vero, posse pulmones sponte sese expandere, atque sic occasionem praebere, vt aer exterior intret.

### §. XIV.



§. XIV.

In pectoris ergo parietum structura quaerendum erit an ita queant mutari, vt pectoris cauitas alternatim dilatetur atque coarctetur. Hanc vero talem deprehendimus 1.) partem posteriorem thoracis claudunt vertebrae 2.) harum tam corporibus quam apophysibus transuersis latis & quasi globosis connectuntur decem costae, vndecima vero & duodecima ipsis tantum vertebrarum corporibus, non vero simul apophysibus transuersis, cohaerent. 3.) costae omnes sunt inclinatae, ita, vt quaelibet costa cum vertebris superioribus angulum obtusum, cum inferioribus vero acutum includat; 4.) minor tamen est inclinatio vertebrarum superiorum quam inferiorum 5.) ipsae quoque costae inaequalem habent longitudinem, suprema enim est breuissima, maxime tamen incuruata, altera iam duplo longior est, & sic successiue, non vero in ea ratione vt prima & secunda, crescunt vsque ad septimam, dein rursus minores, & minus curuae euadunt. 6.) vbi vertebris iunguntur, per totum tractum à corpore vertebrarum ad apophyses vsque transuersales, costae situm habent horizontalem. 7.) quaelibet costa in parte anteriore, antequam sterno iungitur, fit cartilaginea, ita tamen vt superiorum costarum cartilagines sint breuiores atq; duriores, i. e. minus flexiles, quam inferiorum, vsque ad vltimas quinque spurias costas. 8.) Omnes hae extremitates cartilagineae denuo angulum includunt cum costis, ascendunt enim fursum cartilagines, & oblique inseruntur sterno, cum descendant costae, 9.) magis tamen obtusus est angulus inter costas superiores earumque cartilagines, & magis rectus inter costas veras inferiores earumque cartilagines. 10.) contra vero angulus, quem superiores cartilagines cum sterno in-

B 2

cludunt,



cludunt, minus obtusus est quam iste, qui est inter inferiores verarum costarum cartilaginee atque sternum. 11.) Cartilaginee costarum spuriarum non cohaerent cum sternum, octaua tamen septimae, & nona octauae, itemque decima nonae, per cartilaginee transuersas, iunguntur. 12.) tam spatium inter proximas duas quasuis costas, quam inter duas quasuis cartilaginee, musculis est clausum, qui generatim quidem musculi intercostales adpellantur, & in exteriores atque interiores diuiduntur, commode vero ulterius, ob fibrarum directionem diuersam, in intercostales & intercartilagineos diuidi queunt. 13.) Inter costas nempe musculi exterioris fibrae oblique antrorsum directae sunt, i. e. fibrae pars superior, vel superiori costae adhaerens, minus distat à vertebrae quam extremitas inferior, inferiori adhaerens costae. 14.) inter cartilaginee vero costarum verarum vnicus tantum musculus est, obseruante Fallopio, (*vid. Villisius de Medicam. Oper. Part. II. Sect. I. cap. I. p. 141.*) cuius fibrae contrarium habent situm, nempe extremitas superior minus distat à sternum quam inferior. 15.) Interioris musculi intercostalis fibrae ita sunt ordinatae, vt superior extremitas magis sit remota à vertebrae quam inferior, & 16.) interioris musculi intercartilaginei locum supplent musculi sternum - costales Verheyenii, qui vulgo musculus triangularis sterni adpellantur, cuius fibrae in medio sterni in inferiori parte oriuntur, & sursum versus progredientes, finiuntur ibi, vbi costae fiunt cartilagineae. Extenduntur vero tantum ad costas veras a tertia vsque ad septimam inclusue; (*vid. Verheyenii Anatom. lib. I. Tract. VI. cap. VIII.*) de quibus hoc tantum generatim tenendum, insertionem cuiuslibet musculi sternum - costalis inferiorem esse ad sternum, quam est ipsius cartilaginee,



ginis, cui musculus adhaeret, insertio; unde etiam est quod quintus, siue infimus, musculus sterno costalis cartilagini Xyphoideae inseratur. Inter cartilagines vero costarum spuriarum vel vtrumque musculus, tam internum quam externum, vidi, vel, vbi deerat internus, exiguos musculos lumbricorum formam habentes, ab vna cartilagine ad alteram transeuntes, obseruavi; Sed, quia haec in canibus tantum deprehendi, & iam non suppetat occasio in cadavere humano istam structuram indagandi, haud specialiora de istis afferam. 17.) Partem anteriorem pectoris claudit os integrum quidem est spongiosum admodum, quod sternum adpellatur; breue admodum est, hinc costarum cartilagines, cum sterno connectendae, sursum versus incuruantur, & pectus in parte anteriore breuius est quam circa dorsum. 18.) Pectus denique ab abdomine separat, adeoque thoracis cauitatem infra claudit, diaphragma, i. e. musculus, à sterno, cartilaginibus costarum spuriarum, atque lumborum vertebrae oriens, cuius fibrae à peripheria versus centrum abeunt tendineum; situs diaphragmatis naturalis non est rectilineus, sed segmentum sphaerae refert, ita, vt parte conuexa thoracem, concaua vero abdomen respiciat. Est quoque idem situs valde inclinatus, anterior nempe pars magis distat ab horizonte quam posterior.

§. XV.

Ex hac pectoris structura haud difficile erit demonstrare, prout hi vel isti muscoli agunt, pro eo etiam dilatari vel coarctari pectoris cauitatem; quod vt eo distinctius pateat, seorsim prius agam de actione musculorum intercostalium atque intercartilagineorum exteriorum, dein de actione musculorum intercostalium interiorum atque sterno-costalium, tandem de actione diaphragmatis.



§. XVI.

De musculorum intercostalium actione diuisae quidem sunt Doctorum sententiae, dum quidam statuunt externos musculos elevare tantum, internos vero deprimere, costas, (*Willisus de Medicam. operat. Part. II. Sect. I. Cap. 1. p. m. 140. & 141.*) alii contrario modo internos musculos dilatare pectus, externos vero constringere, (*Vateri Physiologiae Sect. VII. Cap. 21. p. 511.*) alii vero, & quidem plerique hodiernorum Physiologorum, immo, quod mirandum, etiam in Mathesi satis versati, tam internos quam externos musculos eleuare costas credunt, forsitan ex ea ratione, quia prioris sententiae Patroni nullam adduxere rationem sufficientem ob quam externi eleuare, interni vero deprimere, costas deberent. Huc accedit auctoritas *Joh. Alphonsi Borelli*, qui utrique musculo, interno nempe ac externo, eandem tribuit actionem, constrictionem nempe atque mutuam approximationem duarum proximarum costarum, (*de Motu Animalium Part. 2da propos. 84.*) & tamen simul eleuationem earundem: (*propos. 90.*) tametsi vero haecce, ut ex infra dicendis (§. 21. nro. 4.) patebit, minime neque inter se, neque cum situ costarum & natura parallelogrammorum obliquangulorum, neque cum experientia (§. 45.) stare queant, plerique tamen, nescio ex qua praeconcepta opinione, eius dicta absque ulteriori investigatione assumunt.

§. XVII.

Immo incertum fuisse *Borellum* in sententia de musculorum intercostalium actione, tam ex eadem propositione 84., ubi demonstrare vult, musculos intercostales internos pectus constringere haud posse, sed loco huius demonstrat, non posse dictos musculos ampliare thoracem, & sic sibi ipsi con-



contradicit, quia *propositione 90.* ipsis dilatationem pectoris tribuit, quam ex eius *figura 2. Tab. XVIII.* videre licet, in hac enim situm costarum ad spinam dorsi perpendicularem delineat, qualis tamen nunquam est vel esse potest.

§. XVIII.

Seposito ergo omni autoritatis praeiudicio, inquiram in actionem musculorum intercostalium, & apparebit, non solum musculos intercostales externos contractione sua elevare, atque internos deprimere costas; sed & elegantissima atque sapientissima patebit Mechanica, de qua dubito an quis unquam cogitauerit, nempe posse chordam quandam, duobus vectibus, qui in altera extremitate circa axes immobiles voluntur, in altera vero sese vel immediate contingunt, vel intermedio cuidam corpori ita iunguntur, ut angulum, quem cum eodem includunt, mutare queant, adplicatam, sua abbreviatione, adeoque alterum vectem deorsum alterum sursum trahendo, utrumque vectem modo simul elevare, modo simul deprimere, prout eius directio mutatur.

§. XIX.

Vt veritas huius elegantissimi theorematis mechanici *Fig. I.* pateat, sit *ab.* solidum immobile, *ac.* & *bd.* vectes in *a.* & *b.* circa axes mobiles, *cd.* solidum separans dictos vectes *ac.* & *bc.*, ita tamen, ut non solum vectis *ac.* in *c.* atque vectis *bd.* in *d.*, sed & totum solidum *cd.* sit mobile: sit porro chorda *ef.* oblique adplicata, ita tamen ut superiori sua extremitate *e.* minus distet à centro motus *a.*, quam inferiore extremitate *f.* à centro motus *b.*; dico, quando chorda *ef* sese constringit, vel alio modo breuior fit, tametsi vectem *ac* trahat deorsum, & vectem *bd* sursum, tamen utrumque vectem sursum adscensurum. Quaecun-  
que



que enim sit vis qua sese contrahit chorda 1) aequalis tamen erit contractio ab  $e$  versus  $f$ , contractioni ab  $f$  versus  $e$ , 2) & eadem vis, qua chorda  $ef$  sese contrahit ab  $e$  versus  $f$ , est ad vim qua trahit vectem  $ac$  deorsum secundum directionem lineae perpendicularis  $eb$ , (*Elem. meor. Physices* §. 60.) vt  $ef$  ad  $eb$ : (*Physic.* §. 61. & 65.) 3) vis chordae, qua sese contrahit ab  $f$  versus  $e$ , est ad vim, qua trahit vectem  $bd$  sursum, secundum directionem lineae perpendicularis  $fg$ , vt  $ef$  ad  $fg$ : (ibidem) ergo 4.) cum  $ef$  sit sibi ipsi aequalis, &  $eb$  aequalis  $fg$ , propter parallelismum linearum  $ac$  &  $bd$ , erit vis qua vectis  $ac$  deorsum trahitur in  $e$ , secundum lineam directionis  $eb$ , aequalis vi, qua vectis  $bd$  sursum trahitur in  $f$ , secundum directionem lineae  $fg$ . 5.) Quia vero punctum  $e$  minus distat à centro motus  $a$  quam punctum  $f$  à centro motus  $b$ , extrema tamen puncta  $c$  &  $d$  aequaliter distant, erit vis, qua punctum  $d$ , per tractionem secundum  $fg$ , tendet sursum, maior ea vi, qua punctum  $c$ , ob tractionem in  $e$ , secundum directionem  $eb$  fientem, deorsum tendit. (per principia vectis) e. gr. si ponimus vim qua chorda sese contrahit aequalem 16, tractionem secundum  $eb$  vel  $fg$  = 12 (nro. 2. 3. 4.)  $ae$  = 1,  $ac$  = 4,  $bf$  = 2,  $bd$  = 4 erit impetus puncti  $c$ . deorsum = 3. & impetus puncti  $d$  sursum = 6. ergo 6.) cum puncta  $c$ . &  $d$ ., ob intermedium corpus  $cd$ , directe, & viribus inaequalibus, in se inuicem agant, fiet motus secundum directionem fortioris, i. e. sursum ascendet vterque vectis. Q. E. D.

§. XX.

Idem erit effectus, si, absente corpore intermedio  $cd$ , vectes  $ac$  &  $bd$  immediate sese in punctis  $c$  &  $d$  contingerent, corpus enim  $cd$  nihil confert ad motum, nisi vt vectes in se agere



agere queant, id quod per contiguitatem aequè obtinetur. Hoc quoque monendum, fiente contractione & inde pendente elevatione omnes, angulos parallelogrammi  $abcd$ . magis ad rectos accedere, dum enim  $bd$  eleuatur imminuitur angulus obtusus  $abd$ , i. e. magis ad rectum accedit, & dum  $ac$  eleuatur, crescit angulus acutus  $bac$ , ergo, cum figura etiam durante eleuatione maneat parallelogrammum angulus quoque acutus  $bdc$  crescet, & obtusus  $acd$  minor euadet: (per princ. Geometr.) hinc omnes anguli durante ascensu ad rectos magis accedunt.

§. XXI.

Ponamus situm vectium esse obliquum deorsum vt *Fig. 2.*  
 $ac$  &  $bd$ , & eleuationem fieri eousque vt  $bf$  cum  $ab$  angulum includat rectum, & patebit 1.)  $be$  minorem esse quam  $bd$  vel  $bf$ , (secundum theorema pythagoricum) hinc 2.) cum  $be$  sit distantia lineae  $cd$  ab  $ab$  ante eleuationem,  $bf$  vero distantia eiusdem lineae  $gf$  post eleuationem, corpus intermedium  $gf$  post eleuationem vectium  $ac$  &  $bd$  magis distare à fulcro fixo  $ab$ , quam cum ante eleuationem haereret in  $cd$ , adeoque. 3.) cum Parallelogramma  $af$  &  $ad$  eandem quidem habeant basin  $ab$ , diuersam vero altitudinem, Parallelogrammum  $af$  maius esse Parallelogrammo  $ad$ : 4.) Si à  $b$  ad  $ac$  ducitur perpendicularis  $bb$ , quae est distantia vectium  $ac$  &  $bd$ , hanc perpendicularem minorem esse linea  $ab$ , (per theorem. pythagor.) quae est distantia vectium  $ag$  &  $bf$  in situ eleuato, vno verbo vectes eleuatos  $ag$  &  $bf$  magis distare, quam non eleuatos  $ac$  &  $bd$ . Nihilominus tamen 5.) haec eleuatio vectium, cum eorum separatione coniuncta, fieri potuit per contractionem fibrae obliquae  $ak$ : Sit enim  $bk = bl$  maior, vel etiam aequalis, lineae  $ab$ , & ducatur,  
C
in



in quocunque situ vectis  $bd$ , linea à  $k$  ad  $l$ , & erit angulus  $alk$  vel rectus vel obtusus, hinc semper  $ak$  maior  $al$ , i. e. eadem fibra  $ak$ , iisdem punctis  $a$  &  $k$  duorum vectium applicata, breuior esse debet si vectes sunt eleuati, quam si antrorsum versus horizontem sunt inclinati. 6.) Quodsi vero ante eleuationem vectium linea quaedam ducta fuisset à  $c$  versus  $k$ , quae post eleuationem foret linea  $gl$ , haec eleuatio fieri haud potuisset, nisi  $kc$  elongaretur; ob aequalitatem enim laterum  $kc$  &  $lf$ , itemque  $cd$  &  $gf$ , angulum vero  $d$  minorem angulo  $f$ , (§. 20.) in triangulis  $kdc$  &  $lfg$ , non potest non  $lg$  maior esse linea  $kc$ : ergo 7.) si  $kc$  sese contraheret per hanc contractionem vectes non eleuarentur, longior enim, non breuior, durante eleuatione fieri deberet  $kc$  (Nro. 6.), sed descenderent; nam 8.) si  $lg$  sese contraheret, tractio quidem vectis  $ag$  deorsum in puncto  $g$  erit aequalis tractioni vectis  $bf$  sursum in puncto  $l$ , quia vero punctum  $f$  magis distat à centro  $b$  quam punctum  $l$ , erit impetus quo punctum  $f$  tendit sursum, per tractionem in  $l$ , minor tractione ipsa in  $l$ : (per princ. vectis) ergo & minor impetu puncti  $g$  deorsum, ergo 9.) cum puncta  $g$  &  $f$  in corpus intermedium  $gf$  agant viribus inaequalibus, (Nro. 8.) fiet motus secundum directionem fortioris, (Phys. §. 25.) i. e. ambo vectes  $ag$  &  $bf$  vna cum corpore intermedio  $gf$  descendant deorsum. Q. E. D.

### §. XXII.

Per hunc descensum vectium ex  $ag$  in  $ac$ , &  $bf$  in  $bd$  1.) corpus  $gf$  propius accedit ad  $ab$ , (§. 21. Nro. 2.) 2.) totum parallelogrammum  $agbf$  fit minus, (§. 21. Nro. 3.) 3.) vectes propius ad se inuicem accedunt, (§. 20. Nro. 4.) 4.) ipsa vero chorda obliqua  $al$  extenditur & maior fit. (§. 20. No. 5.)

### §. XXIII.



§. XXIII.

Si ambae chordae  $a k$  &  $k c$  ita adplicatae essent vt angulus  $a k b$  sit aequalis angulo  $c k d$ , & simul sese constringerent aequali vi, tunc nullus motus fieri posset, ob angulos enim dictos aequales & vires aequales, erunt enim impetus, quos chordae exercent in vectes, aequales; (per princ. mechan.) adscendere enim non possunt, quia in adscensu chorda  $k c$  longior fieri deberet, (§. 20. Nro. 6.) nec descendere possunt, in descensu enim  $a k$  vltius extenderetur (§. 22. Nro. 4.), id quod absque virium inaequalitate fieri haud posset, ergo subsistunt vectes immobiles.

§. XXIV.

Cui hae demonstrationes paulo difficiliore adparent, iste omnia haec phaenomena sensibus exhibere, & sic sese à posteriori certum reddere, potest, adhibita ea machinula quam Fig. 3. exhibet, quae ex 4. regulis componitur, duabus *Fig. 3.* nempe longioribus  $a b$  &  $d c$ , atque duabus breuioribus  $a d$  &  $b c$ , quae in  $a, b, c$  &  $d$  per cylindros cochleis munitos ita connectuntur, vt in omnibus 4. punctis sint mobiles: in punctis  $e$  &  $g$  superioris regulae  $a b$  firmentur duo globuli, ita vt a cochleis  $a$  &  $b$  aequaliter distent, & in medio  $f$  inferioris regulae  $d c$  similis globulus immobilis ponatur: quod si igitur globulo  $f$  annectitur filum, istudque circa globulum  $e$  voluitur & secundum directionem  $e f l$  trahitur, regula vero  $a d$  manu tenetur, videbis omnes reliquas tres regulas adscendere, tametsi deorsum trahis; quod si vero idem filum globulo  $f$  connexum voluis circa globulum  $g$ , & secundum directionem  $g f k$  deorsum trahis, vel globulo  $g$  annectis filum istud, & circa globulum  $f$  ductum, sursum secundum

C 2                      directionem



directionem lineae *fgb* trahis, videbis in vtroque casu tres regulas *ab*, *bc* & *cd* descendere.

§. XXV.

Haud difficile erit haecenus explicatam mechanicam ad pectoris parietes adplicare. Corpus enim immobile (§. 19.) sunt vertebrae, (§. 14. nro. 1.) vectes deorsum inclinati sunt costae, (§. 14. nro. 3.) & cylindri, circa quos voluntur costae, sunt partes earum posteriores a corporibus vertebrarum vsque ad apophyses transversas, haec enim pars habet situm horizontalem, (§. 14. nro. 6.) & hinc manet in suo loco, quocunque gradu eleventur vel deprimantur costae. Corpus costas veras in anteriori extremitate iungens est sternum, mobilitatem vero prope sternum obtinent costae per extremitates cartilagineas quibus sterno cohaerent, (§. 14. nro. 7. 8.) cartilaginem enim esse corpus flexile omnibus notum.

§. XXVI.

Costae quidem spuriae dictae non connectuntur cum sterno, (§. 14. No. 11.) inter se tamen, cum per cartilagines transversas iungantur, vel se immediate contingant, si duas ultimas exceperis, idem erit status ac cum vectes sese immediate tangunt. (§. 20.)

§. XXVII.

Fibrae motrices quarum directio est obliqua sunt musculi intercostales, (§. 14. No. 12. ad 15.) item triangularis sterni, (§. 14. No. 16.) atque intercartilaginei: quod si igitur exteriores musculi intercostales agunt, cum earum actio in contractione consistat, 1.) eleuabunt costas, cartilagines atque sternum, (§. 19. 24.) magisque 2.) Sternum à costis dimoueunt; (§. 21. No. 2.) 3.) ergo, si vertebrae tanquam basis cauitatis



uitatis pectoris considerantur, cum basis maneat eadem, altitudo vero, i. e. distantia sterni à dorso crescat, augetur capacitas pectoris, quamcunque eidem figuram tribuere velis. 4.) Porro interstitium inter duas costas fit maius, (§. 21. No. 5.) & 5.) fibrae intercostales interiores extenduntur (§. 21. No. 6. §. 14. No. 15.)

### §. XXVIII.

Musculi intercartilaginei (§. 14. No. 14.) quando sese contrahunt, si sternum eleuatum, hinc mobile deorsum, ipsae vero cartilaginee tanquam partes costarum considerantur, & sic centra motus prope vertebrae ponuntur, descendet sternum, cartilaginee atque costae, magis enim distat fibrarum muscularium punctum superius à centro motus quam inferius. (§. 21. nro. 7.) Si vero sternum non eleuatum consideratur, tunc per hanc actionem premetur quidem, parum tamen, vel nihil, mouebitur, deorsum, quia sternum cum clauiculis cohaeret, hae vero processui coracoideo incumbunt, unde sternum, absque scapularum descensu, deorsum moueri nequit: ne dicam de inaequalitate longitudinis costarum & cartilaginum, quae ipsa tam adscensum quam descensum sterni vix sensibilem permittit. (§. 52.)

### §. XXIX.

Si sternum non descendit, nec costae per hanc actionem descendere poterunt, hinc sternum tanquam immobile consideratur, & centra motus in punctis insertionum cartilaginum cum sterno assumuntur, quod si igitur *ab* assumitur tanquam pars spinæ dorsæ, *ad* & *bc* tanquam duae costae, *de* & *cf* tanquam cartilaginee dictarum costarum, *fe* tanquam sternum, & *op* tanquam fibra musculi intercartilaginei; contrahat sese *op*, quia puncta extrema cartilagi-



tilaginum  $d$  &  $c$  se non contingunt, nec per intermedium quoddam solidum iunguntur, in se inuicem agere haud poterunt, ergo nec per hanc actionem eleuantur cartilagines, minimum non secundum modum supra §. 19. No. 6. datum.

§. XXX.

Nihil igitur superest nisi vt sternum remoueatur magis à costis, & sic simul costae eleuentur, dum enim fibra  $op$  sese contrahit, pellet, ob insertionem obliquam, cartilaginem inferiorem, adeoque simul punctum sterni  $f$  secundum directionem lineae  $pf$  i. e. extrorsum, cartilaginem vero superiorem  $de$ , & hinc punctum sterni  $e$ , introrsum secundum directionem  $ed$ , idque viribus aequalibus: (per principia Mechan.) quodsi igitur sternum consideratur tanquam vectis circa clauiculas mobilis, vti quoque est, non poterit non vis in  $f$ , tanquam magis à clauiculis, punctis nempe motus, remota, superare vim in  $e$ , aequalem quidem, minus tamen à centro motus distantem, cedit ergo tam punctum  $f$  quam  $e$  extrorsum, ergo, cum sternum descendere nequeat, (§. 28.) simul puncta  $c$  &  $d$  adscendunt, & sic cartilagines simul eleuantur.

§. XXXI.

Immo, quaecunque sit conditio sterni, ratione mobilitatis sursum atque deorsum, semper tamen, per intercartilagineorum actionem, sternum à vertebra dimouetur, contrahat enim sese fibra  $op$ , cum punctum  $d$  ad  $c$  descendere nequeat, omnes anguli parallelogrammi  $defc$  vt magis ad rectos accedant necesse est: (§. 20.) hoc vero triplici modo fieri potest, aut quando 1.) Costae immutatae manent & sternum descendit, ita vt cartilagines vna cum sternum eum habeant situm, quem ostendit parallelogrammum  $dmc$ , aut dum 2.) sternum immobile manet, ratione altitudinis, cartilagines vero eleuantur & costas secum rapiunt,

Fig. 4.



piunt, aut si 3.) sternum ex parte descendit, cartilagines vero ex parte simul adscendunt. In omni vero casu angulus  $a d e$  maior euadit, nam cum omnes tres  $a d e$ ,  $a d c$ ,  $c d e$ , iunctim sumti semper quatuor rectis sint aequales, in primo casu, cum costae quiescant, hinc angulus  $a d c$  immutatus maneat, quantum angulus  $e d c$  per descensum lineae  $d e$  imminuitur, (§. 20.) ita vt post descensum sit  $m d c$ , tantum contra angulus  $a d e$  augetur. In secundo casu, vbi tam angulus  $a d c$  quam  $e d c$  imminuuntur, (§. 20.) non potest non angulus  $a d e$  tantum fieri maior, quantum duo reliqui imminuti sunt; in tertio vero casu simili plane modo, minori tamen gradu, ob minus eleuatas costas, augetur: aucto igitur angulo  $a d e$ , cum longitudo costae  $a d$  & cartilaginis  $d e$  immutata maneat, non potest non tertium quoque latus  $a e$ , angulo crescenti oppositum, crescere, hinc, cum  $a e$  sit distantia sterni à vertebris, hae vero sint immobiles, sternum quoque per actionem muscutorum intercartilagineorum magis versus exteriora pellitur.

§. XXXII.

Praeter hanc sterni à vertebris elongationem, per actionem muscutorum intercartilagineorum, 1.) ipsae quoque cartilagines maiorem inter se acquirunt distantiam, eodem modo ac costae: (§. 21. nro. 4.) 2.) angulus quoque  $d e f$  fit maior, cum enim  $c d e$  &  $d e f$  semper coniunctim duobus rectis aequales esse debeant, (per princ. geom.) angulus vero  $c d e$  fiat minor, (§. 31.) angulus contra  $d e f$  tantundem maior euadit, hinc  $b k l$  vel  $d m n$  maiores sunt quam  $d e f$  ergo 3.) diagonalis quoque  $b l$  maior erit quam  $d f$ , adeoque, 4.) cum diagonalis locum in corpore humano suppleant musculi sterno costales, hi quoque per intercartilagineorum actionem extenduntur.

§. XXXIII.



§. XXXIII.

Musculi intercostales interiores quando agunt, cum earum directio sit talis qualis est lineae  $lg$  in Fig. 2, (§. 14. nro. 15.) ex harum contractione 1.) descendunt tam costae quam sternum, posito hoc eleuatum fuisse, (§. 21. nro. 9.) 2.) sterni distantia à vertebra fit minor, (§. 22. nro. 1.) hinc 3.) cauitas thoracis angustatur, vi contrariorum dictorum (§. 27. nro. 3.) 4.) costarum distantia inter se fit minor, (§. 22. nro. 3.) & fibrae musculi intercostalis exterioris extenduntur. (§. 22. nro. 4.)

§. XXXIV.

Fig. 4.

Musculi sterno-costales quando sese constringunt, punctum quidem cartilaginum  $b$  versus sterni punctum  $l$ , adeoque cartilagines deorsum trahunt, sterni à vertebra distantiam, hinc pectoris cauitatem, minuunt, (vi contrariorum §. 31.) & musculos intercartilagineos extendunt, maior enim est  $op$  in situ cartilaginum  $de$  &  $cf$  quam  $bk$  &  $gl$ , (§. 21. nro. 6.) simul tamen sternum sursum versus pellunt, eiusdem enim musculi sterno-costalis actio in cartilaginem fit secundum directionem cartilaginis  $bk$ , i. e. sursum, & in sternum, secundum directionem sterni  $lk$ , (per princ. Mechan.) ergo sternum à musculis sterno-costalibus dextri lateris pellitur sinistrorsum secundum diagonalem  $kq$ , & à musculis sterno-costalibus dextri lateris sinistrorsum secundum diagonalem  $kr$ , adeoque ab utrisque secundum lineam intermediam  $ks$ , sursum.

§. XXXV.

Quicquid de musculis intercostalibus exterioribus demonstratum est, (§. 27.) valet quoque de musculis supra-costalibus Verheyeni atque subclauio; & actiones musculorum infracostalium Verheyeni coincidunt cum actionibus musculorum



lorum intercostalium interiorum, (§. 33.) eodem enim modo costis sunt adplicati: ferratus vero posticus superior, ferratus maior anticus atque Scalenus colli, non eleuant, thoracem, nisi quando collum & scapulæ per aliorum musculorum actionem immobiles redduntur.

§. XXXVI.

Serrati postici inferioris fibrae superiores oriuntur à vertebra dorfi decima, secundum Celeb. HEISTERVM (*Anatom. p. 153. edit. alter.*) vel ab undecima secundum VERHEYENVM (*Anatom. lib. 1. tract. 6. cap. 8. p. 353. Edit. Colon. in Quart.*) & inseruntur nonae costae, hinc origo musculi inferior est origine costae cui inseritur, adeoque non potest non costas deorsum trahere: quia vero non in linea recta versus costas abit, sed circa extensorem dorfi communem voluitur in linea curua, paululum simul versus posteriora extrorsum trahit costas. Sacro-lumbarem denique costas aliter quam deorsum trahere haud posse, ex eius ortu inferiore ad os sacrum & spinam ilei, atque insertionem in partem costarum posteriorem, patet.

§. XXXVII.

Diaphragma denique, cum eius situs naturalis sit curuilineus, speciatim concavus versus abdomen, conuexus versus thoracem, (§. 14. No. 18.) tanquam musculus, non potest sese contrahere, quin superficies curua fiat minor, nulla vero superficies curuilinea, manentibus iisdem terminis, minor euadere potest, nisi magis ad planam accedat, vel perfecte in planam abeat, ergo & diaphragma, quando sese contrahit, ad superficiem rectilineam magis accedet, vel plane in eam mutabitur; hinc, cum conuexitate sua sursum spectet, quando sese contrahit, descendet quidem, sed, ob situm

D

obli-



obliquum, simul antrorsum versus umbilicum mouebitur, hinc non solum cauitas pectoris in tantum fit maior, quantum diaphragma parte sua conuexa descendit, sed etiam contenta in infimo ventre premuntur oblique antrorsum & deorsum versus umbilicum, unde abdomen tunc temporis intumescere debet.

§. XXXVIII.

Fig. 5. Ex principiis Mechanicis patet, chordam tensam  $ab$ , à minima vi in  $c$  adplicata incuruari posse, ita vt deinsitum incuruatum  $afb$  obtineat; sana vero ratio dicitur, eo maiorem adhibendam esse vim, quo magis chorda tensa per incuruationem denuo extenditur, ergo, cum ex principiis geometricis constet,  $ad$  &  $db$  iunctim sumtas maiores esse quam  $af$  &  $fb$ , posito nempe  $ed = cf$ , tametsi eadem sit area trianguli  $abd$  ac  $afb$ , sequitur quoque vt, maior adhibenda sit vis ad extendendam chordam in  $e$ , quam in  $c$ .

§. XXXIX.

Haec quoque est ratio situs diaphragmatis obliqui, vt nempe contenta infimi ventris pellantur versus umbilicum, ibi, quippe in media parte, enim musculi abdominis, minima vi, versus exteriora pelluntur, & extenduntur.

§. XL.

Quemadmodum vero vis minima in  $c$  adplicata chordam, tametsi summe tensam, superare potest, sic quoque vis summa, qua chorda incuruata secundum longitudinem sese contrahit, v. gr.  $afb$ , restituendo sese in lineam rectam, vim minimam resistentem, secundum directionem lineae  $cf$ , vix poterit superare. Tametsi igitur musculi abdominis recti, & vterque obliquus, sint multo maiores, hinc & robustiores, quam diaphragma, minime tamen poterunt sua contractione,



ne, quae fit secundum longitudinem corporis, pellere viscera infimi ventris versus interiora, quia horum pondus resistit pressioni musculorum abdominis, expansionem vero à diaphragmate fientem (§. 39.) iuuat: Ut igitur haec viscera sursum rursus pelli queant vna cum diaphragmate, & cauitas pectoris inde denuo imminuatur, dedit Deus musculus abdominis transuersalem, qui, sese contrahendo, abdomen tanquam cylindrum constringit comprimitue; in Mechanicis enim demonstratur, esse vim chordae cylindro circumuolutae, qua sese contrahit, ad vim, qua cylindrum ex eadem contractione comprimit, vt 100. ad 314.

§. XLI.

Musculus igitur abdominis transuersalis comprimit abdomen, & sursum pellit viscera abdominis, atque diaphragma, reliqui vero partim eandem compressionem augent, partim deorsum trahunt costas atque cartilagine, sternum vero, quippe quod parum vel nihil descendere potest, versus vertebrae trahunt, costis enim, cartilaginibus & sterno, tendinibus suis adhaerent, vti omnibus constat. Ultraque vero actione cauitas thoracis imminuitur. (§. 33. No. 3. §. 40.)

§. XLII.

Cognitis iam actionibus singularum partium, facile erit determinare, quaenam actiones fiant simul, quae vero diuersis momentis, & quae sit ratio ob quam vna actio alteram excipiat: nempe cum rationi consentaneum sit, omnes actiones, quae eundem dant effectum, & simul fieri possunt, simul institui, quae vero sese inuicem tollent, si simul fierent, vel diuersos dant effectus, diuerso fieri tempore: patet constrictionem diaphragmatis, (§. 37.) musculorum subclauii, supracostalium Verheyeni, (§. 35.) inter-



cartilagineorum (§. 30.) atque intercostalium exteriorum (§. 27.) fieri simul, nulla enim alteram impedit, & omnes cauitatem thoracis maiorem reddunt: itemque, alio quidem tempore, simul tamen, sese contrahere, musculos intercostales interiores, (§. 33.) sterno-costales, (§. 34.) infracostales Verheyeni, (§. 35.) serratum posticum inferiorem, sacro lumbarem, (§. 36.) atque musculos abdominis, (§. 41.) nulla enim harum contractionum alteram impedit, & omnes pectoris coarctationem producant.

### §. XLIII.

Semper quoque constrictionem musculorum pectus dilatantium excipere debet constrictione musculorum pectus coarctantium, demonstraui enim, non posse sese constringere musculos intercostales exteriores, quin extendant simul interiores, (§. 27. No. 5.) & ex eadem ratione infracostales Verheyeni; itemque non posse sese contrahere intercartilagineos, quin simul extendant sterno-costales, (§. 32. No. 3.) sic quoque me non monente patet, non posse eleuari costas & cartilagines, nec sese constringere diaphragma, quin simul extendantur muscoli abdominis, (§. 39.) serratus posticus inferior atque sacrolumbaris, vno verbo, non posse sese contrahere dilatatores pectoris, quin extendant simul constrictores eiusdem: cum igitur perpetuum sit in nostro corpore viuento, omnem musculum extendendo stimulari ad contractionem, & actu sese contrahere, nisi vis maior resistat, necesse est, vt, post actionem dilatatorum pectoris, sese contrahant constrictores, praecipue cum, postquam sese contraxere dilatatores; cesset ratio vltioris contractionis, irritatio nempe ab extensione.

### §. XLIV.



§. XLIV.

Quemadmodum vero dilatatores pectoris non possunt sese contrahere, quo minus simul extendant constrictores, sic & contra hi non possunt sese contrahere, quo minus simul extendant dilatatores, de diaphragmate enim nemo dubitabit istud expandi quando muscoli abdominis agunt, si cogitat per horum actionem sursum pelli diaphragma, & simul deorsum trahi pectus, siue puncta illa quibus diaphragma adhaeret: (§. 41. ) per actionem vero intercostalium internorum, & infracostalium Verheyeni, extendi intercostales externos, subclavium & supracostales Verheyeni, itemque per actionem sterno-costalium extendi intercartilagineos, (§. 33. 34. & 35. ) demonstratum est: cumque horum musculorum extensio fiat ob descensum costarum & cartilaginum, idem descensus vero à serrato quoque inferiore, sacro-lumbari, oblique descendentibus atque rectis producat, (§. 36. 41. ) etiam muscoli modo dicti, actione sua, extendent dilatores pectoris; Hinc post constrictorum actionem contrahent sese dilatatores pectoris omnes, ex data ratione §. 43.

§. XLV.

Ex dictis §. 23. patet, non posse simul sese constringere musculos intercostales internos & externos, itemque intercartilagineos atque sterno-costales, quia per horum musculorum actionem simultaneam pectus immobile redderetur: & hinc simul intelligitur, quantopere erret BORELLVS, quando *Parte 2da de motu animalium propositione 84.* dicit: *dicendum est igitur quod omnes fibrae decussatae, proximas costas colligantes, unicum effectum producant, constrictionem nempe & mutuam approximationem earundem costarum: quod efficietur eadem necessitate, qua, obliquis filis inclinatis, ad*



*oppositas partes trahitur pondus appensum per directionem perpendicularem ad horizontem , vt supra ostensum est ; & paulo post remanet tandem triangularis qui inter intercostales referri potest : Non enim solum eleuatio ponderis per fila obliqua supponit puncta fixa , quibus fila adplicantur , & solum pondus eleuandum mobile , in costis vero aequae superiores ac inferiores , immo ipsae clauiculae sunt mobiles , adeoque istud phaenomenon ad costas adplicari non potest , sed & Borellus experientiae contradicit quando dicit approximationem fieri costarum per eleuationem earundem , vulneri enim intercostalium immissus digitus premitur in descensu costarum non vero in adscensu.*

§. XLVI.

Videntur quoque actiones contrariae esse , quae tamen simul fiunt , nempe eleuatio sterni per intercostales exteriores , ( §. 27. nro. 1. ) atque depressio per musculos intercartilagineos , ( §. 28. ) itemque sterni depressio per musculos intercostales internos , ( §. 33. nro. 1. ) atque eiusdem eleuatio per sterno-costales ; ( §. 34. 42. ) hae vero actiones tametsi ratione sterni sint sibi inuicem contrariae , & sterni adscensum atque descensum , si non in totum , tamen maximam partem , destruant , non tamen ratione cavitatis pectoris sibi sunt contrariae , sternum enim in priori casu tam ex intercostalium exteriorum ( §. 27. nro. 2. ) quam intercartilagineorum actione à vertebra dimouetur , ( §. 30. 31. ) adeoque thoracis cavitatem augetur ; ( §. 27. nro. 3. ) in posteriori vero casu sterni à vertebra distantiam , & thoracis cavitatem , minui , §. 33. nro. 2. & 3. atque §. 34. demonstratum est.

§. XLVII.

Ex haecenus dictis patet , inaequaliter augeri ac minui  
thoracis



thoracis cauitatem, maxime nempe in parte inferiore per diaphragmatis descensum, minori gradu in parte anteriore per sterni motum, vix sensibiliter in parte superiore, ( experientia enim testatur, sterni motum versus anteriora, etiam in parte inferiore, duas lineas Parisienses haud excedere, quod si igitur distantia secundae vertebrae à principio sterni prope clauiculas ponitur ad totam sterni longitudinem vt i. ad 5., erit etiam spatium, per quod pars superior sterni, vbi secunda costa connectitur, versus anteriora mouetur, pars quinta duarum linearum ) plane non vero in parte posteriore circa vertebrae; quod si igitur pulmo vbiuis tangeret pleuram, sequeretur vt pulmo inaequaliter expanderetur, uti cauitas thoracis, & sic tota pars posterior atque superior frustra essent creatae, nunquam enim expanderentur. Obtinetur vero expansio aequalis, per aerem inter pulmones & pleuram contentum, hic enim, tanquam fluidum elasticum, vbiuis sese distribuit vel expandit aequaliter, quocunque modo inaequaliter expandatur cauitas thoracis, vnde etiam aeri exteriori in tota superficie pulmonis aequaliter resistitur, & sic pulmo aequaliter expanditur: ex quo necessitas aeris in cauitate thoracis patet.

§. XLVIII.

Antequam ad vsum respirationis accedimus, ratio prius erit reddenda structurae quarundam partium pectoris, nempe 1.) quare dentur costae spuriae, 2.) quare costae verae superiores sint inferioribus breuiores, spuriae vero contrario se habent modo, 3.) quae sit necessitas sterni 4.) quare pars anterior costarum sit cartilaginea. 5.) quare cartilagineae oblique sursum, aliter ac costae, tendant, itemque 6.) quare diaphragma in medio sit tendineum.

§. XLIX.



§. XLIX.

Costae spuriae non nisi diaphragmatis causa datae sunt, hoc enim, tanquam musculus, puncta fixa in limbo thoracis requirebat, & cum eius situs inclinatus esset necessarius, (§. 39.) ista puncta quoque non solum connexa, sed & oblique deorsum atque retrorsum posita esse debebant, id quod per costas aequae longas, ac sunt verae, & sterno cohaerentes obtineri haud potuisset, optime vero per cartilagines inter se cohaerentes efficiebatur, ut igitur cartilagines inferiores tanto propius ad vertebrae accederent, breviores esse debebant costae spuriae inferiores quam superiores.

§. L.

Costae verae superiores minores esse debebant, 1.) ut pars superior thoracis esset clausa, & sic pressio aeris impediretur 2.) ne prospectus ad pedes impediretur, id quod necessario fieri debuisset, si distantia sterni à vertebrae in loco superiore tanta fuisset, quanta est in parte inferiore: Costae autem verae inferiores si aequae breves ac superiores fuissent, pectoris cavitas nimis fuisset angusta, ergo, pro obtinenda capacitate thoracis satis ampla, inferiores superioribus longiores esse debebant.

§. LI.

Sterni quoque necessitas ex modo atque supra dictis *Fig. 6.* sufficienter patet, costae enim aut contiguae in parte anteriore esse debebant, (§. 20.) aut per intermedium corpus connexae, (§. 19.) prius esse non poterat, quousque costae superiores inferioribus ea ex ratione erant breviores, ut pectus in superiore parte sit clausum, (§. 50. No. 1.) aequae enim tunc impossibile erit, ut costae superiores, quae circa vertebrae perpendiculariter fere inferioribus incumbunt, sese



seſe quoque contingant in parte anteriore, ac fieri nequit, vt circulus minor *abc*, & maiores *adc*, *aec*, *afc*, qui circa *ac* coincidunt, in punctis quoque *b*, *d*, *e*, *f*, ſeſe tangant, ergo per corpus intermedium coſtae in parte anteriore iungendae erant: ne dicam vel ex hac quoque ratione ſternum in parte anteriore aſſeſſe debere, vt ſcapularum motus verſus anteriora, intermediis clauiculis, impediretur.

§. LII.

In cartilaginum incuruatione sursum versus miranda quoque haeret mechanica, posita enim necessitate situs costarum inclinati, absque quo ampliatio pectoris per costarum eleuationem obtineri haud potuisset, (§. 21.) itemque longitudinis costarum inferiorum maioris, (§. 50.) si costae verae inferiores cum sterno, absque cartilaginum incuruatione sursum, fuissent connectendae (§. 51.) sternum ad umbilicum vsque fuisset elongandum, id quod absque abbreviatione musculi abdominis recti ad dimidium vsque, hinc absque eius habilitate ad extensionem, & hinc absque diaphragmatis descensu impedito, (§. 37. 38. 39.) fieri haud potuisset. Immo ne potuisse quidem sternum, absque sua fractura, à vertebra remoueri, posita connexione costarum cum sterno absque cartilaginum incuruatione sursum, quilibet videbit ex consideratione machinae §. 24. descriptae, itemque ex dictis §. 21, ex his enim patebit, non posse sterni distantiam à vertebra maiorem fieri, nisi totum sternum simul tantum eleuetur, vt eleuatio longe maior sit remotione eiusdem à vertebra, atqui non potest per costas superiores, quippe minores, neque tantum eleuari, neque tantum a vertebra remoueri, quantum fit ab inferioribus, ergo, quia in parte superiore tantum cedere nequit, quantum, vi eleuationis in parte inferiore, fieri deberet, vt vel incuruetur, vel frangatur,

E vel



vel plane non sensibilibiter remoueat a vertebris, necesse est. Incuruandae ergo erant cartilagineae, sic enim sternum minus esse, absque eleuatione a costis remoueri, (§. 31.) & abdomen expandi, poterat.

§. LIII.

Haud minor quoque sapientia in ipsa substantia cartilaginea partium anteriorum costarum latitat, anguli enim mutationem, tam quem cartilagineae cum sterno, quam quem cartilagineae cum costis, includunt, necessariam esse in eleuatione costarum §. 19. 20. & 31. sufficienter demonstratum est; aut igitur duae articulationes erant necessariae, vna nempe, vbi pars costarum anterior sursum dirigitur, altera, vbi cum sterno connectitur, aut cartilaginea, i. e. solida quidem, flexilis tamen, esse debebat ista pars quae sursum dirigitur: ast magis placuit Sapientiae Diuinae cartilaginea substantia quam articulationes duae, quia hae vel alia plura ossa, aut musculos, pro defensione requirebant, vti reliquae articulationes nostri corporis, vel luxationi frequenti, hinc pleurae laesioni & inflammationi, fuissent expositae.

§. LIV.

Diaphragmatis denique centrum tendineum quod attingit, notum est, figuram diaphragmatis partem superficiei sphaerae fere repraesentare, cum igitur contractione sua in planam superficiem abire debeat, eius fibrae non poterant non ita esse dispositae, vt ab omni peripheria, vbi adhaerebat, versus centrum quoddam tenderent, quod si igitur totae fuissent carnae, in centro sese secarent, & hinc insignem obtinerent crassitiem, non solum absque vtilitate, sed & cum periculo constrictionis venae cauae, quae per partem tendinosam transit.

§. LV.



§. LV.

Talis est vsus partium respirationi inferuentium, ipseque modus respirationis, quem, vt vno intuitu cognoscere queamus, hic paucis verbis exponam. 1.) Pulmo concipiendus est tanquam corpus spongiosum, & pendulum in cavitare thoracis; ita tamen, vt non contingat vbiuis pleuram, sed paululum ab eadem distet, & tam expandi, quam sese contrahere, queat; spatium vero inter pulmonem atque pleuram aere est repletum. 2.) Parietes pectoris sunt mobiles, ita, vt prout mouentur, cavitare pectoris modo fiat maior, modo minor. 3.) Quando agunt simul, id quod semper fieri debet, musculi intercostales exteriores, musculi intercartilaginei, subclavius, supra-costales Verheyeni, atque diaphragma, tunc cavitare pectoris fit maior, & aer inter pleuram & pulmones minus elasticus; ergo aer exterior per nares vel os intrat asperam arteriam atque pulmones, & hosce tantum fere expandit, quantum cavitare pectoris est aucta: dico fere, resistit enim pulmonum expansioni non aer in cavitare thoracis contentus solus, sed ipsae fibrae pulmonum elasticae: 4.) per eandem vero actionem dictorum musculorum (nro. 3.) extenduntur intercostales interiores, infracostales Verheyeni, sterno-costales, serratus posticus inferior, sacro-lumbaris atque musculi abdominis, hi ergo tensi sese contrahunt, costas deorsum, & sternum versus vertebrae, trahunt, diaphragma vero sursum pellunt, vnde cavitare thoracis minor euadit, aer inter pulmones & pleuram comprimitur, hic inde magis fit elasticus, magis ergo pulmones premit, quam aer externus resistit, vnde, tam per hanc pressionem, quam contractionem fibrarum pulmonalium aer in pulmonibus contentus propellitur, eoque, donec aer in cavitare thoracis prio-



rem densitatem minorem rursus obtinuerit, i. e. eousque, donec pulmonum extensio tantum, quantum thoracis spatium, sit imminuta. §) Per horum musculorum (nro. 4.) actionem priores (nro. 3.) denuo extenduntur, unde extensores de novo sese contrahunt; & sic coarctationem pectoris sequitur dilatio, & contra, adeoque etiam expirationem inspiratio, & contra.

§. LVI.

De usu respirationis adeo diuersae sunt doctorum sententiae, ut vix vnum inuenias, qui non ab altero certo modo recederet; nec mirandum, pauci enim ex natura corporum, quae ad respirationem concurrunt, plerique ex hypothsibus, eundem deducere conati sunt. Primus, qui maximam partem ex genuinis principiis hunc usum demonstrauit, est HELVETIVS, demonstrata enim ab eodem capacitate maiore articularum pulmonalium prae venis pulmonalibus, (§. 12. nro. 6.) itemque capacitate diuersa ventriculorum cordis inter se, atque auricularum inter se, qua ventriculus dexter duabus circiter drachmis maior est sinistro, itemque auricula dextra 3. fere drachmis excedit sinistram vna cum sacco pulmonali, \* cum notum sit vtrumque ventriculum simul euacuari,

---

\* HELVETIVS, *Memoires de L'Academie Royal des sciences an. 1718. p. 283.* dicit: *Cependant ce que j'ai tiré du ventricule droit pesoit trois onces: au lieu que le ventricule gauche ne m'a fourni, que deux onces & demie.* itemque p. 284. *On reconnut que l'oreillette gauche & le sac pulmonaire ne contenoient, que deux onces cinq gros, de la liqueur injectée, au lieu que l'oreillette droite en refermoit trois onces. Dans le ventricule gauche on n'en trouua que deux onces moins un gros, & dans le ventricule droit deux onces un demigros.*



cuari , patet , si ventriculus dexter vnciam vnam sanguinis proiicit in pulmones , ventriculum sinistrum , nisi condensetur sanguis in pulmonibus , non nisi sex drachmas capere posse , hinc , cum intra minutum vnum 90. circiter fiant pulsus , siue cordis euacuationes , & quolibet pulsu 2. drachmae sanguinis remaneant in pulmonibus , intra minuta duo , tres librae sanguinis in pulmonibus haerebunt , quae in ventriculum sinistrum intrare haud poterunt , id quod absque ruptura vasorum , vel circulatione sanguinis impedita , quando nempe vasa nihil vltius admittunt , quocunque modo cor sese constringat , fieri nequit.

§. LVII.

Non hic prouocare licet ad celeritatem sanguinis maiorem in venis pulmonalibus secundum leges hydrostaticas , hae enim tunc tantum locum habent , si motus continuari potest , hic vero , cum sanguis pedem figere debeat in sinistro cordis ventriculo , nihil iuuabit , si centuplo celerior esset motus sanguinis in venis quam arteriis , cum ventriculus sinister , sanguinem celeritate maiore allatum , recipere non valeat.

§. LVIII.

Nec saccus pulmonalis remedium afferre potest , vix enim vnciam vnam semis recipit , non vero libras 3. & si centum libras reciperet , tamen , si semel repletus est , vti esse debet , alias sanguinis circulatio non haberet locum , non plus sanguinis in ventriculum sinistrum transfret , quam hic recipere valet , ergo residuus in pulmone subsistet.

§. LIX.

Nulla ergo circulatio per pulmones fieri poterit , nisi sanguis condensetur , ita , vt iste , qui sub pondere v. gr. trium vnciarum dextrum ventriculum repleuerat , post tran-



situm per pulmones, sub eodem pondere, tantum saltem occupet spatium, quod vnciae duae cum dimidia ante condensationem occuparent.

§. LX.

Videndum ergo quidnam sanguinem in pulmone condenset; aer pressione sua id efficere non valet, hoc enim si esset, vna respiratio per plures horas sufficeret; notum enim est, aeris elasticitatem aequalem esse ponderi, hinc, si semel aer esset inspiratus, semper eadem vi comprimeret vasa, immo, per calorem crescente eius elasticitate, magis comprimeret, ut sic, tametsi nares & os clausum esset, absque vlla noua respiratione compressio, hinc & condensatio atque circulatio, Massae sanguineae, minimum per plures horas, continuare posset, id quod contra experientiam.

§. LXI.

Nec miscelae aeris cum sanguine, tametsi eam fieri posse negem, tribui potest haec Massae sanguineae condensatione, aer enim, tanquam corpus elasticum, cuius elater à calore crescit, si Massae sanguineae calidae commisceretur, acquireret elasticitatem maiorem, hinc & ipsam Massam sanguineam expanderet, hinc vasa venosa & ventriculus cordis sinister non minora, sed maiora arteriis pulmonalibus, atque ventriculo cordis dextro, esse deberent.

§. LXII.

Sanguis ergo in pulmonibus haud alio modo, ac omnia fluida calida, condensatur, nempe ob caloris imminutionem,  
hanc



hanc enim experientia docet, & natura aeris, atque structura pulmonum, confirmant.

§. LXIII.

Experientia constat, aerem quemuis frigidum, inspiratione haustum, calidiorem expiratione reddi, hunc calorem nullibi, nisi in istis locis ubi fuit, nempe in pulmonibus, faucibus, naribusque obtinere potuit, maxime tamen in pulmonibus, quia in his sanguini calido fuit maxime vicinus; ergo quia aer expiratione redditus suum calorem à Massa sanguinea obtinuit, huius calor tantundem est immixtus, quantum aeris calor est auctus.

§. LXIV.

Aeris quoque natura, & pulmonum structura, hanc refrigerationem confirmant: pulmonum enim structura talis est, ut corpori fluido ad parietes vasorum subtilissimorum accessum & contactum permittat, (§. 12.) aer vero, tanquam corpus fluidum, intrat, (§. 55. No. 3.) & tanquam corpus sanguine minus calidum, igne tamen specificè grauius, particulas igneas ex sanguine calido aufert, (*Elem. meor. Phys.* §. 400. Nro. 1.) idque satis notabili quantitate, tam quia magnitudo cellularum, hinc aeris contenti, in relatione ad parietes earundem, atque vasa sanguifera in istis haerentia, est satis notabilis, quam quia vasa sanguifera sunt subtilissima, & satis diu talia manent, in retis enim mirabilis, ab inuentore Malpighiani dicti, formam sunt dispersa; experimenta vero physica, praecipue aeolipilae, monstrant, columnam fluidi calidissimi tanto citius calorem suum in aerem contiguum dimittere, quo est tenuior; aqua enim, tametsi feruida & ebulliens



liens ex aeolipila prodeat, digito vix sensum caloris imprimit, si ab orificio aeolipilae digitum vnum distat.

§. LXV.

Ne vero aer nimis frigidus irruat, & frigore sanguini fluiditatem omnem auferat, ipsa subtilissima retis mirabilis Malpighii vasa constringat, & sic citam mortem inferat, diuisit Deus cavitatem narium per plura ossa subtilissima, quorum superficies copiosissimis vasis sanguiferis est obducta, propter hanc enim structuram sanguis non perfertur ad asperam arteriam, nisi per canales angustos calidos, in quibus cito calefit. Crescit hicce calor, quando aer in bronchia deferatur, haec enim, cum haereant inter arteriam atque venam pulmonalem, (§. 12. nro. 5.) ab hisce continuo calefiunt, & calorem suum in aerem contentum transferunt. Maxime tamen hoc nimium refrigerium eo praecauetur, quod pulmones haud subsideant plenarie, sed ad tale tantum spatium, quod pectoris coarctationi aequale est, (§. 55. nro. 4.) vel minimum haud sensibilibiter maius, sic enim non omnis aer in pulmonibus contentus prodit, & frigidus nouus admissus ad cellulas peruenire non potest, quin prius cum residuo calido misceatur, adeoque eius frigus temperetur.

§. LXVI.

Immediatus igitur respirationis vsus est refrigeratio Massae sanguineae, (§. 62. 63. 64.) ex quo oritur secundus, condensatio, (§. 59. 62.) & hunc excipit tertius, cuius causa priores sunt, circulatio nempe Massae sanguineae, (§. 56. ad 59.) minime vero, vti plurimorum est opinio, miscela aeris cum Massa sanguinea, cui quid obster paucis adhuc ostendendum erit.

§. - LXVII.



§. LXVII.

Primum, quod huic miscelae obstat, est ipse aer, huius enim particulae, quia calefiunt dum in pulmones deferuntur, (§. 65.) maiores euadunt, & ea ipsa magnitudine aucta, ineptiores euadunt ad transitum per poros parietum, aptiores vero ad soluendas particulas aqueas, per parietes dictorum vasorum transeuntes, aucta enim magnitudine particularum aerearum, interstitiorum quoque inter istas magnitudo augetur,

§. LXVIII.

Causa quoque impellens sufficiens deest, quae particulas aeris per poros vasorum pelleret. Grauitati enim aeris resistit ipse sanguis vasa replens, hoc enim nisi esset, vasa sanguifera conprimerentur, id quod tamen non fit; adhaesio vero particularum aerearum, tanquam millies specificè leuiorum particulis aqueis, non sufficiens est ad retropellendas particulas aqueas, quae, experientia teste, continuo ex vasis sanguiferis in cellulas pulmonum transsudant. Nec vias peculiare intus valuulis munitas licet fingere in vasis adeo subtilibus, minime omnium vero, si nondum demonstratum est aerem intrare in vasa sanguifera, & si vel maxime liceret fingere, nullum haberent vsum, sanguis enim, vel ex venis sectis tantum profiliens, ostendit, vim, qua sanguis agit in vasa sua, hinc qua conprimeret valuulas, si adessent, longe maiorem esse, pondere & adhaesione aeris exterioris simul sumtis.

§. LXIX.

Si quis assumere vellet, aerem externum misceri cum  
F humido



humido transudante, & dein, vna cum hocce, redire in vasa, iste prius demonstrare deberet, istud humidum non iam repletum esse particulis aereis, probabile enim est, vti in reliquis fluidis excretis v. gr. sudore, vrina, aer continetur, sic quoque, humido in pulmonibus excreto, aerem iam dum commixtum esse, humidum vero, quod iam repletum est particulis aereis, nullas vlterius assumit, & dein demum ostendendum erit, quid adhaesionem fluidi excreti ad vasa, eiusque vim penetrandi in vasa, maiorem reddat vi particularum serosarum exhalantium.

§. LXX.

Alterum, quod miscelae aeris cum sanguine resistit, est supra §. 56. laudata magnitudo, venarum atque ventriculi sinistri cordis, minor, quam est arteriarum pulmonalium atque ventriculi cordis dextri capacitas: repugnat enim cogitare miscelam fluidi elastici, cuius elasticitas à calore augetur, cum alio fluido insigniter calido, ita tamen, vt simul spatium, quod iunctim post miscelam occupant, minus sit eo, quod ante miscelam vnicum, sanguis nempe, occupauerat; condensationem enim sanguinis in pulmonibus fieri debere §. 59. demonstratum est.

§. LXXI.

Prouocant quidem, qui miscelam aeris defendunt, ad phaenomenon quoddam sanguinis, nempe colorem rubicundiores, si vena pulmonis secatur, nigricantem vero, si arteriotomia in pulmonibus instituitur. Sed fateor, me hanc coloris differentiam haud obseruasse, cum arteriam atque venam pulmonalem in cane secarem, nec comprehendo quomo-



quomodo aliis succedere potuerit : non enim licet sectionem venarum vel arteriarum pulmonalium instituere, nisi aperto thorace, hoc vero aperto, lobus pulmonis in cauitate haerens non amplius expanditur, tametsi vita adhuc adsit, si vero pulmo non amplius expanditur, respiratio cessat, & sic miscela aeris cum sanguine, quam ex respiratione deducunt, ulterius fieri, hinc & color sanguinis mutari, nequit.

§. LXXII.

Forsitan aliis hoc successit per violentam pulmonum inflationem, sub hac conditione non negabo successum, ipse enim hoc non tentavi, sed concedam potius istud fieri, minime vero exinde sequitur, aerem commixtum esse sanguini sed potius, poros sanguinis venosi in pulmonibus esse magis condensatos, hinc enim intelligi potest, quare plures radios rubicundos reflectat, & ipse rubicundior appareat quam sanguis arteriosus in pulmonibus.

§. LXXIII.

Haec omnia cum iamdum conscripta essent, occurrit locus in IOHANNIS VAN HORNE *microcosmo edit. Lips. 1707. p. 99.* in quo asserit D. D. PAVLI, FRANCISCVM BATLE in *Institut. Phys. Tom. 3. Disput. 4. art. 5.* itemque PETRVM STLVANVM REGIS in *Cours de Philosophie Tom. 2. p. 549.* mathematice demonstrasse, musculos intercostales externos attollere tantum, internos vero deprimere, costas. Putabam, praeclarissimos hosce Autores eandem mecum Mechanicam in structura pectoris obseruasse, sed vidi longe aliter FRANCISCVM BATLE de actione musculorum intercostalium cogitasse; considerat enim clauiculam tanquam



immobilem , absque tamen ratione , itemque costam vltimam fixam , per actionem musculorum abdominis , & dein demonstrat , maiori vi eleuare musculos intercostales externos costas inferiores , quam detrahunt superiores , & contra , maiori vi musculos intercostales internos deorsum trahere costas superiores , quam eleuant inferiores , & idem ex BATLEO gallice tradit REGIS. Non iam inquiram in quo errauerint doctissimi hi Viri , sufficit, illos, ne cogitasse quidem sternum quicquam conferre ad hanc mechanicam , & sic veram Mechanicam ignorasse , vti vel ex figuris tantum eorundem patet, in nulla enim, de qua demonstrant, sternum delinearunt , id quod etiam ex *Actorum Erudit.*

*Lips. Supplem. Tom. I. p. 587.* videre licet , vbi figura, quam REGIS dedit, delineata est.

S. D. L. A. G.

